



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган



WWW.XS.UZ



E-mail: Info@xs.uz



2018 йил 1 ноябрь, № 226 (7184)

Пайшанба

Сайтимизга ўтиш учун QR-кодни телефонингиз орқали сканер қилинг.



ҚИШЛОҚ ХЎЖАЛИГИНИ КОМПЛЕКС РИВОЖЛАНТИРИШ БЎЙИЧА ДОЛЗАРБ ВАЗИФАЛАР БЕЛГИЛАБ БЕРИЛДИ

Ўзбекистон Республикаси Президенти Шавкат Мирзиёев раислигида 31 октябрь куни қишлоқ хўжалигини комплекс ривожлантириш, соҳага инновацион технологияларни кенг жорий этиш, маҳсулотлар экспортини ошириш масалаларига бағишланган йиғилиш ўтказилди.

Кейинги икки йилда қишлоқ хўжалигида туб ислохотлар, таркибий ўзгаришлар амалга оширилди. Соҳада бозор муносабатларини жорий этиш, қайта ишлаш ва экспорт инфратузилмасини ривожлантириш бўйича жуда кўп ишлар қилинди. Фермер ва деҳқонларнинг даромадини ошириш мақсадида янгича тизим жорий қилиниб, қўллаб-қўллагич долзарб масалалар ҳал қилиб берилди. Етарли миқдорда маблағ ажратилди.

Йиғилишда қишлоқ хўжалигида инновацион технологиялар, илмий ишланмалар, айниқса, томчилатиб сўғориш технологиясини кенг жорий қилиш масаласига алоҳида эътибор қаратилди.

Исроил давлатининг бу борадаги тажрибаси кўрсатиб ўтилди. У ерда қишлоқ хўжалиги томчилатиб сўғоришга

мოსлашгани учун бир километр ҳам коллектор дренаж тармоғи ва шўрланган майдонлар йўқ. Мелиорация тадбирлариغا умуман харажат қилинмайди.

Юртимизда сувни тежаш технологияларини татбиқ этиш бўйича етарли иш олиб борилмаётгани, бунинг оқибатида 140 минг километр узунликдаги коллектор дренажларга катта маблағ сарф бўлаётгани танқид қилинди.

Сувни тежовчи технологияни қўллаш ҳисобига 50 — 60 фоиз сувни иқтисод қилиш мумкин. Биргина кўча эгилувчан қувурлардан фойдаланиш сувни 10 — 15 фоиз, томчилатиб сўғориш эса 35 — 65 фоиз тежаш имконини беради. Лекин, томчилатиб сўғориш тизими жуда кам майдонларда жорий этилган ҳолос, деди Шавкат Мирзиёев.

Шундан келиб чиқиб, 2019 — 2021 йилларда пахта-тўқима-чилик кластерлари ва фермерлар пахта майдонида томчилатиб сўғориш технологиясини жорий қилиш кўламини кенгайтириш зарурлиги таъкидланди.

Қишлоқ хўжалиги комплексидagi энг асосий масалалардан бири экспортбоп мева-сабзавот етиштириш ва уни экспорт қилишдир. Аммо Қишлоқ хўжалиги вазирлиги, “Ўзбексизиксиз” компанияси худудлар раҳбарлари билан тизими иш олиб бормагани оқибатида экспорт прогнозини тўлиқ таъминлай олмаслиқ хавфи мавжудлиги қайд этилди.

Шу боис ҳар бир худуд билан экспорт бўйича икки ойлик режани кунма-кун белгилаб, тизимли бажариш вазифаси қўйилди. Шу билан бир-

га, келгуси йил экспорти учун сабзавот экинларини экиш бўйича топшириқлар берилди.

Ўзбекистоннинг иқлим шароити эртапишар маҳсулотлар етиштириш имконини беради. Баҳор ойларида хорижий мамлакатларда уларга талаб ортади. Лекин бу имкониятдан унумли фойдаланилмаяпти.

Йиғилишда тегишли вазирлик ва ташкилотларга Россия, Хитой, Жанубий Корея, Хиндистон, Япония ва бошқа давлатлар бозорига қишлоқ хўжалиги маҳсулотлари экспортини кўпайтириш бўйича кўрсатма берилди.

Яна бир бор айтаман, экспорт давлатимиз сиёсатининг энг муҳим, устувор йўналишларидан биридир. Шунинг учун ҳар бир вазирлик ва идора экспортни ривожлантириши керак, дея таъкидлади Президентимиз.

Йиғилишда янги ташкил этилган уюшмалар фаолиятига ҳам эътибор қаратилди. Улар ўз йўналишлари бўйича янгиликка интилмаётгани, соҳадаги ўрни сезилмаётгани танқид қилинди.

Қишлоқ хўжалиги тармоқларига инвестицияларни, айниқса, тўғридан-тўғри хорижий инвестицияларни жалб қилиш зарурлиги таъкидланди.

Ерни ҳақиқий эгасига бериш, ер ва сув ресурсларидан самарали фойдаланиш, уруғчиликни ривожлантириш, минерал ўғитлар етказиб бериш тизимини такомиллаштириш, қишлоқ хўжалиги техника паркинни янгилаш, маҳсулотларни қайта ишлаш соҳасини ривожлантириш ва бошқа йўналишларда долзарб вазифалар белгилаб берилди.

Ў.А.

ТЕРРОРИЗМГА ҚАРШИ КУРАШ — ЧЕГАРА БИЛМАС ҲАМКОРЛИК

Тошкентда 31 октябрь куни Шанхай ҳамкорлик ташкилоти Минтақавий аксилтеррор тузилмаси Ижроия қўмитаси томонидан «Терроризмга қарши кураш — чегара билмас ҳамкорлик» мавзuida олтинчи халқаро илмий-амалий конференция ташкил қилинди.

Унда ШХТга аъзо, кузатувчи ҳамда мулоқот бўйича шерик мамлакатлар делегациялари, халқаро ташкилотлар, илмий-тадқиқот марказлари вакиллари иштирок этди.

Мажлисда ШХТ Бош қотиби Р. Алимов, БМТ Бош қотиби ўринбосари, Терроризмга қарши кураш бoшқармаси раҳбари В. Воронков, Ўзбекистон Республикаси ташқи ишлар вазирини ўринбосари Д. Ахатов, ЕХХТнинг Терроризмга қарши кураш бўлинимаси раҳбари А. Аваков, Халқаро Қизил Хоч қўмитаси вице-президенти К. Карбонье қатнашди.

Таъкидланганидек, дунёнинг турли минтақаларида

халқаро террорчилик ташкилотлари ҳаракати кучайиб бораётган бир пайтда ШХТ мақолида терроризмга қарши курашиш борасидаги саъй-ҳаракатларни янада кучайтириш зарур. Минтақада тинчликни мустаҳкамлаш, терроризм, сепаратизм, экстремизм хавфининг олдини олиш, ёшларнинг ёт ғоялар таъсирига тушишига йўл қўймаслиқ каби мақсадларга эришишда ШХТга аъзо давлатларнинг Минтақавий аксилтеррор тузилмаси доирасидаги фаолияти муҳим аҳамият касб этмоқда. Ушбу конференция эса бу борадаги қарашларни умумлаштириш, ўзаро фикр алмашишда қулай мулоқот майдони бўлиб хизмат қилмоқда.



Манфред ГРУНД: «ЎЗБЕКИСТОН «ХАЛҚАРО ПАРЛАМЕНТ СТИПЕНДИЯСИ» ДАСТУРИГА КИРИТИЛДИ»

Кеча Олий Мажлис Сенати ҳамда Қонунчилик палатасида Бундестагнинг “Германия Федератив Республикаси — Марказий Осиё” парламент гуруҳи раиси Манфред Грунд билан учрашув бўлиб ўтди. Музокаралар чоғида Ўзбекистон ва Германия ўртасидаги парламентлараро муносабатларни кенгайтириш истиқболлари юзасидан атрофлича фикр алмашилди.

БИЗ ВА ЖАҲОН

Меҳмон юртимизда амалга оширилаётган ислохотлар ва янгиланишлар жараёнини юксак баҳолаб, ҳар икки томоннинг бир-бирини тушуниши ва манфаатдорлиги Ўзбекистон ҳамда Германия сиёсий муносабатлари асосини ташкил этишини таъкидлади.

Парламент гуруҳи раиси давлатларимиз ўртасидаги алоқалар истиқболи хусусида муҳбиримизга куйидагиларни гапириб берди:

— Президент Шавкат Мирзиёев бошчилигида олиб борилаётган Ўзбекистоннинг прагматик ташқи сиёсатини биз жуда катта иштиёқ билан кузатиб бораёلمиз ва қўллаб-қувватлаймиз. Бугунги кунда

Ўзбекистон Марказий Осиё давлатлари ўзаро ҳамкорлигининг янги даврини бошлаб берди. У нафақат Қозоғистон, Тожикистон, Қирғизистон, балки Афғонистон билан ҳам фаол ҳамкорлик олиб бормоқда. Айниқса, Тошкентда ташкил этилган нуфузли халқаро анжуман доирасида Марказий Осиё минтақасига доир тинчлик ва хавфсизлик масалаларининг муҳокама қилиниши мамлакатингиз учун жуда катта ютуқ бўлди. Ўзаро ўрнатилган дўстона муносабатлар минтақа давлатлари-га муаммоларни биргаликда ҳал қилиш ва барча томон учун бирдек манфаатли бўлган энг мақбул ечимларни танлаш имконини бераётгани билан ҳам аҳамиятлидир.



Ўзбекистон ўзининг барқарорлиги билан ажралиб туради. Бу эса мамлакат тараққиётидаги ўта муҳим омил ҳисобланади, шунингдек, янги сиёсий ва иқтисодий ўзгаришлар давом этаётганидан ҳамда халқаро ҳамкорлиқнинг тобора кенгайиб бораётганидан далолат беради.

Германия Бундестаги томонидан ташкил этилган “Халқаро парламент стипендиеси” дастури истиқболли кадрларни Германия парламенти фаолияти билан таништириш ва парламентлараро алоқаларни янада мустаҳкамлашни мақсад қилган.



ЭНГ ЗАМОНАВИЙ ХИЗМАТ ВА МАҲСУЛОТЛАР БИР ЖОЙДА ЖАМЛАНГАН

Пойтахтимиздаги “Ўзэкспомарказ” мажмуасида “Энергетика. Қайта тикланувчи энергия манбалари. Энергия самарадорлик ва энергияни тежаш, электротехника, ёритиш ускуналари — UzEnergyExpo — 2018” ҳамда “Қурилиш ва ишлов бериш материаллари, иситиш ва вентиляция тизимлари, сув таъминоти, сувни тозалаш, сантехника ускуналари — UzStroyExpo — 2018” халқаро кўргазмалари ўз ишини бошлади.



Халқаро кўргазма

Мамлакатимизда бошқа соҳалар қатори энергетика ва қурилиш жабҳасида ҳам ижобий ўзгаришлар кўзга ташланаяпти. Бу жараёни жадаллаштириш, соҳага инновацион ишланмаларни татбиқ этишда эса ҳуқуқий асослар яратилаётгани аини муддао бўлмоқ-

да. Жумладан, Президентимизнинг яқинда қабул қилинган “Электр энергетикаси тармоғини жадал ривожлантириш ва молиявий барқарорлигини таъминлаш чора-тадбирлари тўғрисида”ги қарори асосида 2018 — 2020 йиллар давомида бажарилиши лозим бўлган

Халқаро кўргазмаларда маҳаллий ишлаб чиқарувчи қаторида Озарбайжон, Беларусь Республикаси, Греция, Дания, Қозоғистон, Хитой, Россия, Туркия, Қирғизистон сингари 14 давлатнинг

170

дан ортиқ компаниялари вакиллари қатнашмоқда.



ЎЗБЕКИСТОН ВА ҚОЗОҒИСТОН ПРЕЗИДЕНТЛАРИ БИР-БИРЛАРИНИ ҚУТЛАДИЛАР

Ўзбекистон Республикаси Президенти Шавкат Мирзиёев ва Қозоғистон Республикаси Президенти Нурсултон Назарбоев 31 октябрь куни икки томонлама муносабатлар тарихидаги муҳим сана — Ўзбекистон Республикаси билан Қозоғистон Республикаси ўртасида Абдий дўстлик тўғрисидаги шартнома имзоланганининг 20 йиллиги муносабати билан бир-бирига табрик йўллади.

Давлатимиз раҳбари ўз мактубида қардош Қозоғистон халқини самимий табриклаб, ушбу муҳим ҳужжат умумий тарих, маънавий ва маданий муштараклик билан боғланган мамлакатларимиз ва халқларимиз ўртасидаги кўп асрлик дўстлик, қардошлик ва яхши кўшничлик ришталарини мустаҳкамлаб берганини таъкидлади.

Мактубда Стратегик шериклик тўғрисидаги шартнома ҳамда Стратегик шерикликни янада чуқурлаштириш ва аҳил кўшничликни мустаҳкамлаш тўғрисида қўша декларациянинг имзоланиши ўзаро ҳамкорликни изчил ривожлантиришда янги босқич бўлгани қайд этилган.

Жорий йилда Қозоғистонда Ўзбекистон йили доирасида ўтказилаётган маданий-гуманитар ва ишбилармонлик тадбирлари халқларимиз яқинлигининг ёрқин ифодаси бўлмоқда.

Мамлакатларимиз Марказий Осиёда ишонч, оқчилик ва ўзаро қўллаб-қувватлаш муҳитини мустаҳкамлаш, тинчлик, барқарорлик ва изчил тараққиётни таъминлашда қатъий эқани мамнуният билан қайд этилган.

Қозоғистон Президенти Нурсултон Назарбоев ўз мактубида Абдий дўстлик тўғрисидаги шартноманинг 20 йиллиги муносабати би-

лан самимий қутлаб, энг эзгу тилақларини билдирди.

Шартнома икки томонлама муносабатларда замонавий йўналишларни белгилаб, уларни ривожлантиришга, халқаро даражадаги ўзаро ҳамкорликни мустаҳкамлашга салмоқли ҳисса қўшгани, Қозоғистон ва Ўзбекистон ўртасидаги ишонч ва дўстликка асосланган чинакам стратегик шериклик учун пойдевор бўлгани алоҳида таъкидланган.

Бугунги кунда мамлакатларимиз барҳаёт қадриятлар ва чексиз салоҳиятга таянган ҳолда икки томонлама ҳамкорликни янги даражага олиб чиққани ҳамда минтақада ҳар томонлама шерикликни бирлаштириш учун мустаҳкам асос шакллантиришни давом эттираётгани қайд этилган.

Мамлакатларимиз ҳамкорлигига алоҳида суръат бахш этаётган биргаликдаги фаолиятимиз ва дўстлигимиз халқларимиз фаровонлиги йўлида изчил давом эттирилишига қатъий ишонч билдирилган.

Ўзбекистон Республикаси ва Қозоғистон Республикаси Президентлари ушбу муҳим сана муносабати билан халқларимизга тинчлик, фаровонлик ва равақ тиладилар.

Ў.А.

ОЛИЙ МАЖЛИС СЕНАТИДА

Ўзбекистон — Руминия: ТАШРИФЛАР МУНТАЗАМ ТАШКИЛ ЭТИЛАДИ

Олий Мажлис Сенатида Руминия Ташқи ишлар вазирлигининг давлат қотиби Д. Некулаеску бошчилигидаги делегация билан учрашув бўлиб ўтди.

Унда 2019 йилда Европа иттифоқига Руминия раислиги қилишини инобатга олган ҳолда, “Ўзбекистон — Европа иттифоқи” форматидagi ўзаро ҳамкорлик истиқболлари муҳокама этилди.



Эксклюзив интервью

Насер БУШЕРИТ:

«Жазоир ва Ўзбекистон ўртасидаги алоқалар доимо ўзаро ҳурмат ва дўстликка асосланиб келган»



Ўзбекистон бугун дунёнинг барча давлати билан дўстона ва яқин ҳамкорликка асосланган ташқи сиёсат юритмоқда. Бундай дипломатия мамлакатимизнинг халқаро майдонда

обрў-эътибори янада ошиши ва икки томонлама муносабатлар ривожига муҳим ўрин тутаяпти.

Жазоир Халқ Демократик Республикаси ҳам Ўзбекистон билан алоқаларни изчил фаоллаштиряпти. 1 ноябрь — Жазоир миллий байрами муносабати билан ушбу давлатнинг мамлакатимиздаги Фавкуллода ва мухтор элчиси Насер Бушеритдан интервью олдик. Газетамизнинг ушбу сониди ана шу суҳбатни ўқийингиз мумкин.



Ҳасан ПАЙДОЕВ ва Динара ЧИРКОВА олган суратлар.

Манфред ГРУНД:

«ЎЗБЕКИСТОН
«ХАЛҚАРО ПАРЛАМЕНТ СТИПЕНДИЯСИ»
ДАСТУРИГА КИРИТИЛДИ»



Хар йили Бундестагда амалиёт ўташ мақсадида 120 га яқин номзодларга малака ошириш имкони берилади. - Октябрь ойида Бундестаг Ўзбекистон-ни ушбу дастур иштирокчилари рўйхатига киритиш юзасидан қарор қабул қилди. Бу ишонамизки, соҳа вакилларининг халқаро тажрибаларни ўрганиши ҳамда икки томонлама парламентлараро ҳамкорликни йўлга қўйишимизда муҳим аҳамият касб этади.

Делегациямиз ташрифи чоғида Ўзбекистонда индустриал-инновацион дастурларни амалга оширишда Германиянинг иштроки, Марказий

Осиё ва Европа мамлакатлари ўртасида ўзаро фойдали мулоқотни ривожлантириш, минтақада хавфсизликни таъминлаш, шунингдек, Афғонистондаги вазиятни юмшатишда истиқболли ҳамкорлик масалалари юзасидан фикр алмашилди. Президент Шавкат Мирзиёевнинг кейинги йил бошида Германияга ташрифи билан боғлиқ масалаларни ҳам кўриб чиқдик. Парламентлараро мулоқот Ўзбекистон — Германия муносабатларини янги босқичга кўтаришга ва турли йўналишларда амалий тақдифлар ишлаб чиқишга асос яратди, деб ўйлайман.

Мунисхон КАРИМОВА
эзиб олди.

Тадбир

Пойтахтимизда Ўзбекистон Республикаси Президенти ҳузуридаги Фуқаролик жамиятини ривожлантириш бўйича маслаҳат кенгашининг Фуқаролик жамиятини ривожлантириш соҳасида фундаментал ва амалий тадқиқотларни ташкил этиш комиссиясининг кенгайтирилган йиғилиши бўлиб ўтди.

Жамоатчилик
фикри изчил
ўрганиб борилади

Унда Кенгаш ҳамда комиссия фаолиятини самарали ташкил қилиш, бунинг учун тегишли дастурларни ишлаб чиқиш, давлат ва жамоат ташкилотлари билан изчил ҳамкорликни йўлга қўйиш масалалари атрофлича муҳокама этилди.

Жамият ва давлат ҳаётининг барча соҳасида демократик ўзгаришларни амалга оширишда нодавлат нотижорат ташкилотлари ҳамда фуқаролик жамияти бошқа институтларининг роли бекиёс экани айтиб ўтилди. Шу боис юртимизда фаолият кўрсатётган 9 мингдан ортиқ ушбу муассасаларнинг ижтимоий фаолиятини кучайтиришга қаратилган кенг кўламли ишлар амалга ошириляётир.

Президентимизнинг жорий йил 4 майдаги “Мамлакатни демократик янгилаш жараёнида фуқаролик жамияти институтларининг ролини тубдан ошириш чора-тадбирлари тўғрисида”ги Фармони бу борадаги ишларга янгича суърат бағишлади. — Ҳужжат асосида ташкил этилган Фуқаролик жамиятини ривожлантириш бўйича маслаҳат кенгаши давлат ва фуқаролик жамияти институтларининг мамлакатни янада жадал ривожлантиришга қаратилган саъй-ҳаракатларини бирлаштиришда муҳим аҳамиятга эга, — дейди Фуқаролик жамияти шаклланишини мониторинг қилиш мустақил институти сектор раҳбари, Маслаҳат кенгаши масълүл котиби Тимур Акминиязов. — Шу боис йиғилишда Кенгаш олдида турган муҳим вазифалар билан бирга, фуқаролик жамиятини ривожлантириш борасидаги давлат сиёсати ва унинг амалий натижалари ҳақидаги жамоатчилик фикрини мунтазам ўрганиб бориш, умумлаштириш ва таҳлил қилиш масалаларини ҳам кўриб чиқдик.

Тадбир якунида Фуқаролик жамиятини ривожлантириш соҳасида фундаментал ва амалий тадқиқотларни ташкил этиш комиссияси қошида фаолият юритадиган ишчи гуруҳларнинг таркиби ва иш режалари тасдиқланиб, истиқболдаги вазифалар белгилаб олинди.

Ш. РАҲИМОВ.

Ўзбекистон — Руминия:

ТАШРИФЛАР
МУНТАЗАМ
ТАШКИЛ ЭТИЛАДИ



Айни чоғда икки томонлама муносабатлар, шу жумладан, парламентлараро алоқаларни янада ривожлантириш хусусида сўз борди.

Таъкидландики, Ўзбекистон ва Руминияни сиёсий, иқтисодий ҳамда маданий соҳаларда ўзаро ҳамкорликка асосланган ришталар боғлаб туради. Хусусан, давлатлараро, ҳукуматлараро ва идоралараро имзоланган 14 та ҳужжат икки томонлама алоқаларнинг шартномавий-ҳуқуқий негизини ташкил қилады.

Меҳмоннинг эътироф этишича, Руминия Ўзбекистонда сиёсий ва ижтимоий-иқтисодий соҳаларда муваффақият олиб борилаётган ислохотлар-

М. АЗИЗОВА.

ПУХТА ҲИСОБ-КИТОБ —
ФАРОВОН ҲАЁТИМИЗНИНГ МУҲИМ АСОСИ

Йил ўз поёнига етиб бораётган айни сарҳисоб палласига яқин турибмиз. Шу кунларда уни ёруғ юз билан яқунлаб, пухта ўйланган сиёсат асосида нафақат келгуси икки-уч йил, балки яқин беш-ун йиллик истиқболни кўзлаб, муҳим молиявий дастур тайёрланмоқда.

Депутат фикри

Кучи кеча мамлакатимиз Президентни томонидан ўтказилган йиғилишининг руҳи ҳам, кайфияти ҳам халқ ва давлат манфаатлари йўлида тайёрланаётган келгуси йил Бюджетномасида мустаҳкамлаб қўйиладиган асосий кўрсаткичлар, бюджет-солиқ сиёсатининг муҳим йўналишлари муҳокамасига бағишланди.

Дарҳақиқат, келгуси йилда бюджет даромадларининг сезиларли даражада ошиши, аҳоли ва бизнесга катта енгилликлар яратётган янги солиқ тизими асосидаги тарихий ўзгаришлар арафасидамиз. Бунинг учун сўнгги икки йил давомида пухта тайёрларик қўрилди. Узоқ истиқболли марраларни забот этишга қаратилган, стратегия жихатдан чуқур ўйланган, дунёда ва турли минтақаларда юз бераётган ўта мураккаб воқеа-ҳодисалар моҳиятидан келиб чиқиб, юрт ва халқнинг ёруғ келажagini таъминлашга қаратилган оқилона сиёсат туфайли мустаҳкам пойдевор яратилди. Валюта ва нарх сиёсати эркинлашувчи, қишлоқ ҳўжалигида ҳисоб-китобларнинг тартибга солиниши ва капитал қўйилмалар ортиси бюджет даромадлари кўпайишига ижобий таъсир кўрсатди.

Жорий йилнинг ўтган даври юзасидан бўлган ҳисоб-китобларга кўра, аниқланган давлат бюджети даромад ва харажатлари ўртасидаги тафовутни йил якунига қадар барча резервни ишга солиб бартараф этиш лозимлиги, энг муҳими, бюджет сиёсатини юритишда илк маротаба 2017 йилда қўланилган молиялаштириш механизмлари натижасида барча маҳаллий бюджетлар иктиёрида ўтган йилдагига нисбатан 6 баробар кўпроқ — 5,5 триллион сўм маблағ тўпланиши қайд этилди. Бундан ташқари, ўтган қисқа давр мобайнида жойларда халқ билан бўлган очик мулоқотларда фуқароларнинг кўп йиллик истаклари, тақлиф ва талаблари рўёбга чиқмоқда.

Бюджет соҳаси ҳодимлари иш ҳақлари, пенсия ва нафақаларини инфляция кўрсаткичидан юқори ошириш билан бирга, тарбияфалар, ўқитувчилар, илмий ҳодимлар, профессор-ўқитувчилар, маданият ҳодимлари иш ҳақи 30 фоиздан 100 фоизгача оширилди.

Шу ўринда яна бир жиҳатга тўхталиб ўтсак. Жорий йил иккинчи чорадаги халқ ҳўжалиги корхоналари салкам ярминини иш ҳақи миқдори оширилган бўлса, учинчи чорақда 62 фоиз корхоналар иш ҳақини ошир-

ган. Тармоқлар кесимида эса, ишлаб чиқарувчи корхоналар катта миқдорда иш ҳақини оширганлар сирасига тўғри келади (74-100 фоизгача).

Бугун Давлат бюджетининг қарийб 60 фоизи ижтимоий соҳани ривожлантиришга йўналтирилмоқда. 1991 йилдагига таққослаганда, аҳоли реал даромадлари 14 баробардан зиёд қўлайди, иш ҳақи, пенсия ва ижтимоий нафақалар салмоқли даражада ошди. Истеъмол товарлари ишлаб чиқаришни жадал суъратлар билан ошириш ва аҳолининг улгарга бўлган талабини қондириш таъминланмоқда.

Йиғилишда келгуси йили бюджет даромадлари изчил ўсиши, солиқ тизимида жорий этиладиган тарихий ўзгаришлар натижасида аҳоли ва бизнесга катта енгилликлар яратилиши назарда тутилаётганига эътибор қаратилди. Чунончи, тушумдан олиннадиган мажбурий аҳратмаллар тўлиқ бекор қилиниши ҳисобидан корхоналарда яна 5,2 триллион сўм даромад қолдирилиши, жисмоний шахслар учун даромад солигининг энг юқори ставкаси 12 фоизгача, яғна ижтимоий тўловли 15 фоизгача туширилиши, фуқароларнинг 8 фоизлиқ суғурта бадалли бекор қилиниши натижасида аҳоли даромадлари 6,5 фоиз ошади.

Юридик шахслар мол-мулк солиғи 5 фоиздан 2 фоизгача, фойда солиғи 14 дан 12 фоизгача, кичик бизнес субъектлари яғна солиғи 5 фоиздан 4 фоизгача камайтирилиши натижасида тадбиркорлар иктиёрида 2 триллион сўм қўшимча маблағ қолады. Умуман олганда, мавжуд 19 та солиқ ва мажбурий тўловлар тури 15 тагача камайтирилади.

Албатта, бундай енгилликлар бюджет тушумларини таъминлашда жиҳдий қўшимча чоралар қўрилишини, бюджет таққилиғига йўл қўймаслик, даромадларни кўпайтириш, шу жумладан, ишчилар сони ва иш ҳақини легаллаштириш бўйича тизимли ишларни йўлга қўйишни талаб этади.

Юқоридаги мақсадларга эришиш учун, авваламбор, ўзимизнинг куч ва имкониетимизга таянган ҳолда, юртимизнинг келгуси ривожи, халқимиз фаровонлиги, унинг турмуш даражаси ва сифатини юксалтиришда муҳим макроиқтисодий барқарорликни янада мустаҳкамлаш, кейинги йилларда эришилган иқтисодий ўсиш суъратларини сақлаб қолиш зарур.

Миллий валютамиз барқарорлигини,

ни катта қизиқиш билан кузатмоқда ҳамда мамлакатдаги изчил демократик ўзгаришлар мамнуният билан қайд этилтипти.

Учрашувда кичик ва ўрта бизнес, қишлоқ ҳўжалиги, саноатни ривожлантириш, туризм, транспорт, илм-фан ва технологиялар соҳасида узоқ муддатли ҳамкорлик орқали алоқаларни кенгайтириш масалалари муҳокама қилинди. Иккала мамлакатда ўтказиладиган кўргазмалар ва ярмаркаларда иштирок этишга бундан буён кўпроқ эътибор қаратиш зарурлиги ҳам айтиб ўтилди.

Томонлар парламент дипломатиясини янада кучайтириш ва делегацияларнинг ўзаро ташрифларини ташкил этиш лозимлигини таъкидлади.

банк тизимини мустаҳкамлаш, мамлакатимизда ва маҳаллий даражада бюджет барқарорлигини таъминлаш бўйича 2019 йилнинг Бюджетномаси концепциясида назарда тутилаётган қўшимча комплекс чора-тадбирларни амалга ошириш тўғри бўлади.

Ташқи бозорларда рақобат ва беқарорлик кучайиб бораётган бир шароитда иқтисодий реал тармоқлари баробарида, юртимиз худудларида ҳам рақобатдош маҳсулотлар ишлаб чиқаришни кўпайтириш ва экспорт салоҳиятини юксалтириш алоҳида аҳамиятга эга.

Ана шу мақсадда кичик бизнес ва хусусий тадбиркорлик субъектлари, шунингдек, фермер ҳўжаликларининг экспортда иштирок этишини янада рағбатлантириш бўйича тақлиф қилинаётган қўшимча комплекс чора-тадбирлар ўз самарасини беришига ишончимиз комил. Бу иқтисодий ўсиш, тармоқлар ва худудларни ривожлантириш, аҳолининг меҳнат билан бандлигини таъминлаш, моддий фаровонлигини оширишининг асосий локомотиви бўлиб хизмат қилады.

Айни пайтда октябрь ойининг сўнгги икки ҳафтаси давомида Олий Мажлис Қонунчилик палатасининг Бюджет ва иқтисодий ислохотлар қўмитаси, қўйи палатада ўз ўрнига эга бўлган барча сиёсий партиялар фракциялари ҳамда Экологик ҳаракат депутатлар гуруҳи тақлиф-тавсиялари асосида маълуматимизнинг асосий молиявий ҳўжжати — Бюджетнома лойиҳасининг дастлабки тарзда чуқур ўрганилиши ташкил этилди. Ўзбекистон Республикаси Молия вазирлигига тегишли хулоса ва тавсиялар тақдим қилинди.

Иқтисодий ва ижтимоий ислохотларнинг устувор вазифаларини муваффақиятли адо этишда, биринчи навбатда, биз — Олий Мажлис Қонунчилик палатаси депутатлари масъулиятимизни чуқур англаган ҳолда, бугунги глобал иқтисодий мураккаб даврда келгуси йил учун тақлиф этилаётган бош молиявий ҳужжатнинг мазмун-моҳиятини сайловчиларимиз ва фуқароларимизга, керак бўлса, ҳижжажаб тушунтириб боришимиз лозим. Уни атрофлича муҳокама этиб, қабул қилишимиз ва келгуси йил давомида унинг ҳар бир вазифаси ижросини парламент назорати доирасида мунтазам назорат қилиб, мониторингини юритишимиз зарур. Ана шунда Давлат бюджети мақсадли сарфланиши, аҳоли фаровонлигини оширишга эришилиди.

Адҳам ШАДМАНОВ,
Ўзбекистон Республикаси Олий Мажлиси Қонунчилик палатасининг Бюджет ва иқтисодий ислохотлар қўмитаси раиси.

ТЕРРОРИЗМГА ҚАРШИ КУРАШ —
ЧЕГАРА БИЛМАС ҲАМКОРЛИК



Минтақавий аксилтеррор тузилмаси ўз фаолияти давомида дунёда хавфсизликни мустаҳкамлаш, тинчликни сақлашга қаратилган самарали натижаларга эришиб келмоқда. Тузилма терроризм, диний экстремизм, сепаратизм, қурол-ярғом ва наркотикларнинг ноқонуний савдоси, трансмилийли уюшган жиноятчиликка қарши курашиш борасида салмоқли ишларни амалга оширмоқда.

Ташкилот 2017 йилги фаолияти давомида қатор террористик ақтларнинг олдини олишга муваффақ бўлди, 50 дан ортиқ террористик гуруҳлар фаолиятига чек қўйилди. Шунингдек, халқаро қидирувда бўлган 150 террорчи қўлга олинди.

Интернет тармоғидан ғаразли мақсадларда фойдаланишни аниқлаш ҳамда унга чек қўйиш бўйича ҳам тузилма самарали иш олиб бормоқда. Жумладан, ўтган йили қўпурувчилик ва бузғунчилик ғоялари акс этган 500 мингдан зиёд материалларни ўзида жамланган 80 минг, террористик ва таққиланган диний ташкилотларнинг 360 сайти фаолияти тўсиб қўйилди. Ушбу интернет манбаларини юритаётган 122 кишига нисбатан жиноий иш қўзғатилди.

Бугунги кунда тузилма фаолиятида интеграция жараёни жадаллик билан кечмоқда. Хусусан, ШХТ аъзолигига кирган Ҳиндистон ва Покистон давлат-

лари аксилтеррор тузилмаси ишида фаол иштирок эта бошлади. Бу, ўз навбатида, ШХТнинг хавфсизлик ва барқарорликка эришиш бўйича имкониетларини янада оширмоқда.

Конференциянинг хавфсизликка раҳна солиши мумкин бўлган янги хавф-хатарларни аниқлаш ва уларнинг олдини олиш масалаларига бағишланган шўьба мажлисида терроризмга қарши курашишда халқаро ҳамкорлик, замонавий таҳдидларнинг олдини олишининг самарали механизмларини ишлаб чиқиш каби масалалар юзасидан фикр алмашилди.

Экстремизм, қўпурувчилик ва террористик фаолиятга чек қўйиш халқаро ҳуқуқ меъёриларига амал қилишни талаб этади. Навбатдаги шўьба мажлислари аниқ шу масалаларга бағишланди. Унда терроризм ва мавжуд бошқа таҳдидларга қарши курашишда қонунчилик ва ҳуқуқни қўллаш амалиёти, жумладан, халқаро инсонпарварлик тамойилларига оғишмай амал қилиш зарурлиги қайд этилди.

Конференция 1 ноябрь кунини ўз ишини давом эттиради. Тадбирда иштирокчилар ШХТ маконида тинчлик ва барқарорликка эришиш, терроризм ва экстремизмга қарши курашиш, унинг оқибатларини бартараф этиш бўйича ўзаро таҳриба алмашиш имконига эга бўлади.

У. ШОНАЗАРОВ,
Ўза мухбири.

ЭНГ ЗАМОНАВИЙ ХИЗМАТ ВА
МАҲСУЛОТЛАР
БИР ЖОЙДА ЖАМЛАНГАН



Бундан ташқари, бугун шаҳаро қишлоқларимизни обод қилиш, индустриализмни замонавийлаштириш ислохотларининг энг устувор йўналишларидан бири ҳисобланади. Бинобарин, айни пайтда жойларда “Обод қишлоқ”, “Обод маҳалла” дастурлари доирасида аҳолини арзон уй-жойлар билан таъминлаш бўйича бунёдкорлик ишлари кўлами тобора кенгаймоқда. Буларнинг барчаси, ўз навбатида, ҳар икки жаҳага янгилликларни жорий қилиш, ишлаб чиқариш қувватларини ташкил этиш, мавжуд имкониетлардан самарали фойдаланишни тақозо қилады. Шу маънода, мазкур халқаро тадбирлар юртимизда кечаётган айни жараён учун нийоятда фойдалидир. Унда энергетика ва қурилиш соҳасининг энг илғор усуналарини намойиш этилиб, соҳа ривожига хизмат қилувчи инновацион ёндашувлар муҳокама қилиняпти.

Ўзбекистон Республикаси Қурилиш, Уй-жой коммунал хизмат кўрсатиш вазирликлари, “Ўзбекэнерго”, “Ўзбекидрозэнерго” ҳамда “Ўзқурилишматериаллари” акциядорлик жамиятлари томонидан ташкил қилинган ушбу халқаро кўргазмалар аънавийлик касб этган. Шу боис ким учундир бу форум яхши таниш бўлса, бошқаси илк маротаба қатнашяпти. Барчанинг мақсади битта, у ҳам бўлса, ўз маҳсулот ва хизматларини кенгроқ танитиш, янги ҳамкорлар топишдир.

Улардан бири — Қозоғистондаги “Сайман” корпорациясининг бизнесни ривожлантириш бўйича директо-

ри ўринбосари Мади Ағибоевнинг фикрлари билан қизикдик.

— Корпорациямиз электр энергияси ва газ ҳисоблагичлари, турли куч-латишли трансформаторлар ишлаб чиқариш ҳамда уларни ўрнатиш бўйича Қозоғистондаги етакчи субъектлар сирасига қиради, — дейди сўхбатдошимиз. — Ташкил қилинганга 25 йил тўлди. Шу вақт ичидда 360 дан ортиқ маҳсулотлар ишлаб чиқаришни ўзлаштириб, уларни МДҲ давлатларига ҳам сотяймиз. Ўзбекистон бозорига эса энди кириш ҳаракатидамиз. Халқаро кўргазмага келишимиздан мақсадимиз ҳам шундан иборат.

Биламиз, айни пайтда юртингизда кенг кўламли бунёдкорлик ишлари олиб борилмақда. Тошкент, Самарқанд ва бошқа бир қатор шаҳарларда кичик, “ақлли шаҳар”лар барпо этиляпти. Бунда бизнинг маҳсулот ва хизматларимиз ҳам асқатишига ишонамиз.

Халқаро кўргазмалар давомида турли тақдимот маросимлари, семинар ва учрашувлар уюштирилиши режалаштирилганки, булар унинг янада самарали кечишидан далолат беради.

Жорий йилги кўргазмага янги маҳсулотлар — сув совитиш машиналари ҳамда саноат кондиционерларининг тақомиллаштирилган турларини олиб келдик. Улар автоматик бошқарувга эга. “Яшил технология” талабларига тўла жавоб беради.

Халқаро кўргазмалар 2 ноябрга қадар давом этади.

Дилшод УЛУҒМУРОВОВ,
«Халқ сўзи» мухбири.

ЭРКИН САВДОГА ТЎСИҚ БЎЛАЁТГАН
ЧЕКЛОВЛАР ОЛИБ ТАШЛАНАДИ



Эркин иқтисодиётни эркин савдо ва эркин бозорсиз тасаввур этиш қийин. Президентимизнинг “Товар бозорларида савдони янада эркинлаштириш ва рақобатни ривожлантириш чора-тадбирлари тўғрисида”ги Фармони савдо механизмларини тақомиллаштириш, товар бозорларида соғлом рақобат муҳитини ривожлантиришга қаратилган.

Уни қабул қилиш сабаблари ҳужжатда аниқ белгилаб қўйилган, яъни товар бозорларининг бугунги ҳолати, улгуржи ва биржа савдосининг ривожланиш даражаси замонавий талабларга жавоб бермайдми. Масалан, улгуржи савдонинг ривожини паст. Чунки бундай савдонини амалга оширишни лицензиялашда ҳам, бу каби фаолият тури билан шуғулланадиган савдо корхоналарини солиққа тортишда ҳам махсус тартибга амал қилиб келинган. Қўшимча вақт ҳамда харажатни талаб қилувчи мазкур тамойил кейинчалик қайта ишланадиган яримтайёр ва саноат маҳсулотларини етказиб бериш даражасига ҳам таъсир кўрсатган.

— Улгуржи савдо корхоналарининг фаолияти тартибга солиб турилиши корхоналар ўз вазифасини тўлиқ бажармаслигига олиб келаётган эди, — дейди Ўзбекистон Республикаси Иқтисодиёт вазирлигини бўлим бошлиғи Одилжон Ўсаров. — Ўз навбатида, лицензия бериш тизими улгуржи корхо-

налар фаолияти устидан давлат назоратини кучайтиришга хизмат қиларди. Эндиликда Фармонга биноан, эркин савдога тўсиқ бўлаётган чекловлар олиб ташланадиган бўлди. Бу ҳар тарафлама фойдали ҳисобланади.

Хусусан, 2019 йилнинг 1 январидан бошлаб, улгуржи савдонини амалга оширишни лицензиялаш ва улгуржи савдо корхоналарини солиққа тортишининг махсус тартиби, акциз солиғи солинадиган товарларнинг айрим турлари (масалан, автомобиль, ўсимлик ёғи, алко-

голь ва бошқалар) ишлаб чиқарилишини ҳисобга олиш ва сотишининг махсус тартиби, кўчма савдо учун рухсатнома ҳужжати олиш талаби, давлат улуши 50 фоиздан кам бўлган корхоналар контрагентлари билан ўзаро муносабатларда кечиктирилган дебиторлик қарз учун санкциялар қўллаш, давлат улуши 50 фоиздан кам бўлган корхоналар учун ички бозорда олдндан 15 фоиз тўловни амалга оширишга доир талаблар бекор қилинади.

Бундан ташқари, ҳужжат иловасида келтирилган рўйхатга асосан, айрим турдаги товарлар — ўсимлик мойи, шакар, рудалар ва вольфрам концентратлари каби ва бошқа жами 9 турдаги маҳсулотлар экспортга бўлган амалдаги чеклов

2018 йилнинг 1 ноябридан бошлаб:



ЭКИХнинг 20 бараваридан ортиқ миқдордаги нақд пул тушуми инкассация хизматлари орқали ёки мустақил топирилади.

Насер БУШЕРИТ: «Жазоир ва Ўзбекистон ўртасидаги алоқалар доимо ўзаро ҳурмат ва дўстликка асосланиб келган»

— Элчи жаноблари, Ўзбекистон билан Жазоир ўртасидаги икки томонлама муносабатларнинг ҳозирги ҳолатини қандай баҳолайсиз?

— Мамлакатларимиз ўртасидаги алоқалар доимо ўзаро ҳурмат, дўстлик ва ҳамкорликка асосланиб келган.

Бугунги ривожланиш ва муносабатлар хусусида сўз борганда, Жазоир Ўзбекистон мустақиллигини биринчилардан бўлиб тан олганини ва Тошкентда ўз элчихонасини очганини қайд этиш даркор. Бу Жазоирнинг мамлакатингиз билан барча, хусусан, сиёсий, иқтисодий, маданий-гуманитар соҳаларда ҳамкорликни кучайтиришга тайёр эканидан далолатдир.

Бундан ташқари, мамлакатларимизнинг ташқи сиёсатни шакллантиришда ўзаро ишонч тамойилларига содик экани узоқ муддатли, мустаҳкам ва самарали муносабатлари қарор топтиришга хизмат қилмоқда. Айни кунда давлатларимиз минтақавий ва халқаро ташқилотлардаги иштироки доирасида бир-бирини фаол қўллаб-қувватлаб келяпти.

Яқинда Ўзбекистон ва Жазоир давлатлари раҳбарлари ўзаро мактуб алмашишди. Унда Президентлар икки томонлама алоқаларни янада ривожлантириш истagini билдирди. 2019 йил ўзаро ҳамкорликда янги саҳифалар очадиган муҳим таширфларга бой бўлиши кутилмоқда.

Шу маънода, бугун ўзбекистонлик ҳамкасблар билан мамлакатларимиз етакчиларининг эзгу интилишларини тўлиқ амалга ошириш, ўзаро муносабатларни халқларимиз манфаатларига мос равишда юқори даражада қарор топтиришга қаратилган такиф ва лойиҳаларни ишлаб чиқишга тайёرمىз.

— Мамлакатларимизнинг иқтисодий шериклиги истикболлари ҳақида нима, дея olasиз?

— Ўзбекистонда 2015 йилдан бери фаолият юритапман. Айтиш мумкинки, кейинги икки йилда юртингизда муҳим ижобий ўзгаришлар, хусусан, иқтисодий секторда қатор янгиланишлар бўлди. Бу Шавкат Мирзиёевнинг Президентлик фаолияти билан бевоcита боғлиқ. Валюта сиёсатининг эркинлаштирилиши, мамлакат ташқи иқтисодий сиёсатида очиклик тамо-йилининг устувор аҳамият касб этиши ва чет эл инвестициясини жалб қилишга

қаратилган ислохотлар шулар жумласидандир.

Бундай янгиланишларни хайрихоҳлик нуктаи назаридан кузатиб борамиз ва Ўзбекистон билан иқтисодий ҳамкорликни кўп қиррали асосда ривожлантиришдан манфаатдормиз. Мамлакатларимиз иқтисодиёти рақобатлашмайди, аксинча бир-бирини тўлдиради. Шундай экан, илгор тажриба ва юксак инсон капиталига эга Жазоир тажрибаси ва “ноу-хау”лари билан бўлишиш истагидамиз.

Жазоирнинг “Сонатрак” нефть-газ миллий компанияси доимий равишда дунёдаги етакчи корхоналар рейтинги ўнталлигида қайд этилади. “Сонатрак”нинг савдо айланмаси 2017 йилда 35 миллиард АҚШ долларига етди. Жаҳон бозорига чиқиш борасидаги янгиланган сиёсати туфайли компания қатор хорижий давлатларда ўз фаолиятини муваффақиятли амалга ошириб келмоқда. Қайд этиш даркор, бундай ҳамкорликни “Ўзбекнефтгаз” акциядорлик жамияти билан “Сонатрак” нефть-газ компанияси ўртасида йўлга қўйиш имкони мавжуд. Шунингдек, мамлакатимизда кишлоқ хўжалиги, электроника, машийи техника ишлаб чиқариш соҳаларида ҳам халқаро даражадаги фаол тадбиркорлик йўлга қўйилган.

Ўз навбатида, Жазоир Ўзбекистоннинг тўқимачилик соҳасидаги тажрибасидан фойдаланиши мумкин. Юртимизда миллий иқтисодиётни диверсификация қилиш бўйича олиб борилаётган сиёсат мамлакатимиз ишбилармонларини янги сармоявий имкониятлар излашга ундамоқда. Шу нуктаи назардан, юртингиздаги туризм, касаначилик ва ҳунармандчилик каби жадал ривожланаётган фаолият турлари жазоирлик бизнес доира вакиллари учун истикболли шериклик тармоқларига айланиши мумкин.

Икки мамлакат ўз минтақасида муҳим географик жойлашувга эга. Жазоир Жанубий Европага яқин жойда жойлашган ва Африка бозорига кириш учун ўзига хос эшиқдир. Мамлакатда йўллар, портлар ва аэропортлар инфратузилмасига улкан инвестициялар жалб қилинган. Бу, ўз навбатида, юз миллионлаб истеъмолчиларга эга минтақада асосий логистика базасини ташкил қилишга замин яратган. Худди шундай Ўзбекистон ҳам шиддат билан ривожланиб бораётган Марказий Осиё минтақаси марказида жойлашганини қайд этиш керак. Ушбу ҳудудда ташаббус-

кори Хитой бўлган “Бир макон, бир йўл” лойиҳаси амалга оширилаётгани ва Ўзбекистоннинг ундаги фаол иштироки жазоирлик ишбилармонларни мамлакатингизга кенг жалб қилишга шароит туғдиради. Бу жиҳатлар икки мамлакат компаниялари учун халқаро миқёсда ривожланиш ва жаҳон иқтисодиётига самарали интеграциялашувни таъминлашга хизмат қилади.

Ўзбекистон ва Жазоирда ташкил қилинадиган ярмарка, кўргазмаларда мамлакатларимиз вакилларининг мунтазам иштирокини таъминлаш керак. Шу маънода, 2019 йилнинг июнь ойида юртимизда ўтадиган 52-Жазоир халқаро ярмаркасига Ўзбекистон вакилларини тақлиф қиламиз. Бу миллий брендингизни Африканинг ўнлаб мамлакатлари, қолаверса, АҚШ, Европа ва Осиё давлатларига кенг тарғиб қилиш имконини беради.

— Мамлакатларимизнинг маданий соҳадаги ҳамкорлиги хусусида ҳам тўхталсангиз.

— Ушбу соҳа Ўзбекистон билан Жазоир ўртасида ўзаро алмашинувлар ва мулоқотлар мунтазам давом этаётган муҳим йўналишлардан биридир. Ўзбек санъати усталари Жазоирдаги маданий тадбирларда доимий иштирок этганидек, юртимиз маданият соҳаси намоёндалари ҳам мамлакатингиздаги нуфузли мусика фестивалларида мунтазам қатнашиб келмоқда.

Жумладан, жорий йилнинг 6 — 10 сентябрь кунлари Шахрисабз шаҳрида ўтказилган Халқаро макон санъати анжуманида мамлакатимизнинг Андалусия мусика гуруҳи анъанавий мусиқий чиқишлари билан иштирок этди.

Давлатларимиз ўртасидаги маданий алоқаларни янада кенгайтириш максасида элчихонамиз Ўзбекистон Республикаси Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси билан ҳамкорликда Ўзбекистон — Жазоир дўстлик жамиятини тузиш ташаббуси билан чикдик ва бу лойиҳа илиқ кутиб олинди.

Ишончим комилки, Ўзбекистон ва Жазоир ўртасидаги дўстона алоқалар янада ривожланиб, ҳар бир соҳада мустаҳкам ҳамкор даражасига қўтарилади.

— Самимий суҳбатингиз учун ташаккур.

Ш. УЛУГОВ суҳбатлашди.

Ўзбекистон Республикаси Олий Мажлиси ҳузуридаги Жамоат фонди

«Соғлом турмуш тарзини юксалтиришда фуқаролик жамияти институтлари фаоллигини ошириш, унинг натижаларини оммавий ахборот воситаларида кенг ёритишни қўллаб-қувватлаш» мавзуида давлат гранти қўшимча танловини

ЭЪЛОН ҚИЛАДИ

Танловга нодавлат нотижорат ташкилотлари ва фуқаролик жамияти бошқа институтларининг қуйидаги ижтимоий максадларни амалга оширишни назарда тутган лойиҳалари қабул қилинади:

- Аҳолининг кенг қатламларини (нуронийлар, ёшлар, аёллар ва бошқалар) жисмоний тарбия ва спортга жалб қилиш.
- Маҳаллаларда жисмоний тарбия ва спортнинг ривожланишига шарт-шароит яратиш, соғлом турмуш тарзини қарор топтиришга қўмаклашиш.
- Ёшларнинг уюшмаган қатламларини турли спорт тўғрақларига, спорт мусобақаларига жалб қилиш, бўш вақтларини мазмунли ташкил этиш.
- Тоғли, узоқ ва чегара ҳудудларида аҳолининг жисмоний тарбия билан шуғулланишига кенг шарт-шароит яратиш.
- Соғлом турмуш тарзини қарор топтиришда таълим ва соғлиқни сақлаш муассасалари, маҳалла ҳамда оиланинг ўзаро ҳамкорлигини кучайтириш.
- Давлат органлари билан ҳамкорликда маҳаллаларда турли спорт тўғрақлари фаолиятини йўлга қўйиш, эҳтиёжманд оилалар вакилларининг мунтазам жисмоний тарбия билан шуғулланишини таъминлаш.

- Соғлом турмуш тарзини тарғиб этишга қаратилган кўргазмали материалларни ишлаб чиқишда ижтимоий шерикликни кучайтириш.
- Маҳаллаларда турли йўналишларда спорт ва халқ ўйинлари мусобақаларини ташкил этиш.
- Имконияти чекланган ёшларнинг спорт билан шуғулланишида турли спорт соҳасидаги нодавлат нотижорат ташкилотлари фаоллигини қўллаб-қувватлаш.
- Соғлом турмуш тарзини қарор топтиришда оммавий ахборот воситаларининг роли ва аҳамиятини кучайтириш.
- Маҳаллаларда халқаро мусобақалар ғолиблари, республика чемпиоллари ва спорт усталари иштирокчида турли маънавий тадбирлар ташкил қилиш.

Давлат гранти танловида иштирок этиш учун қуйидаги ҳужжатлар тақдим этилади:

Ҳужжатлар “Олий Мажлис ҳузуридаги Жамоат фонди” номига: **100163, Тошкент шаҳри, Ислон Каримов кўчаси, 43-уй** манзилига “Ўзбекистон почтаси” орқали муҳрланган конвертда (А4 форматда) юборилиши шарт. Ҳужжатлар намуналари билан Олий Мажлис ҳузуридаги жамоат фондининг www.fundngo.uz расмий веб-сайтида танишиш мумкин. Маълумот учун телефонлар: 71-239-26-76, 71-239-26-86.

Ўзбекистон Республикаси Олий Мажлиси ҳузуридаги Жамоат фонди

«Фуқароларнинг кафолатланган меҳнат ҳуқуқларини таъминлашда жамоатчилик назоратини юксалтириш» мавзуида давлат гранти қўшимча танловини

ЭЪЛОН ҚИЛАДИ

бўйича ҳудудий комиссиялари билан ҳамкорликда жамоатчилик назоратини амалга ошириш.

6. Болалар меҳнати ва мажбурий меҳнат масалалари бўйича мувофиқлаштирувчи кенгаш билан ҳамкорликда эришилган ижобий натижалар барқарорлигини таъминлаш чора-тадбирларига қўмаклашиш.

Давлат гранти танловида қатнашиш учун қуйидаги ҳужжатлар тақдим этилади:

- Ташкилот раҳбари томонидан имзоланган ва муҳр билан тасдиқланган кузатув хати.
- www.fundngo.uz веб-сайтида жой-

Ҳужжатлар “Олий Мажлис ҳузуридаги Жамоат фонди” номига: **100163, Тошкент шаҳри, Ислон Каримов кўчаси, 43-уй** манзилига “Ўзбекистон почтаси” орқали муҳрланган конвертда (А4 форматда) юборилиши шарт. Ҳужжатлар намуналари билан Олий Мажлис ҳузуридаги Жамоат фондининг www.fundngo.uz расмий веб-сайтида танишиш мумкин. Маълумот учун телефонлар: 71-239-26-76, 71-239-26-86.

ИНФЛЯЦИЯНИ ЖИЛОВЛАШ МУМКИНИМИ?

Кейинги пайтда инфляция, унинг иқтисодиёт, аҳоли даромади, турмуш тарзига таъсири ўзаро муҳокамаларнинг бош мавзусига айланди.

✓

Хўш, инфляция ўзи нима?

✓

Уни жиловлашнинг имкони борми?

✓

Бундай шароитда иқтисодиёт тармоқлари ва аҳоли қандай ҳимояланади?

Ўйлаймизки, ушбу саволлар жавоби ҳеч кимни бефарқ қолдирмайди. Кўпгина иқтисодчилар инфляция иқтисодий ҳодиса сифатида азалдан мавжудлигини таъкидлаб, унинг вужудга келишини деярли пулнинг пайдо бўлиши даврига тақайди. “Инфляция” атамасининг бир қанча тушунчалари мавжуд бўлиб, бу, аввало, нархларнинг ўсишидир. У иқтисодиёт ва ижтимоий соҳаларга тўғридан-тўғри таъсир кўрсатади. Шу боис аксарият мутахассислар талаб ва тақлиф ўртасидаги мувозанатнинг бузилиши, иқтисодиётда вужудга келадиган бошқа мутаносибликлар таъсирида нархларнинг ўсишини инфляция билан изоҳлайдилар. Аммо амалиётдан маълумки, инфляция кузатилган даврда айрим товарлар сезиларли даражада қимматлашса, баъзилариники ўзгармасдан (барқарор) қолади.

Шулардан келиб чиқиб, айтиш мумкинки, инфляция нозик ижтимоий-иқтисодий жараён бўлиб, иқтисодиётнинг турли жаҳалларида содир бўлувчи номуаносиблик оқибатида вужудга келади. У бугунги кунда жаҳоннинг деярли барча мамлакатаи иқтисодиётидаги энг долзарб муаммолардан бири ҳисобланади.

Индекслар ҳисоблашнинг янги тизими

Ўзбекистонда Халқаро валюта жағармасининг техник ёрдами билан 1994 йилдан буюн истеъмол нархлари индексларини ҳисоблаш тизими жорий этилган. Дастлаб ҳисоб-китоблар бўйича товарлар ва хизматлар рўйхати 285 та маҳсулотдан ташкил топан бўлса, бозор иқтисодиётининг реал талабларидан келиб чиқиб, ушбу рўйхат 2012 йилда 305, 2017 йилда 350 тўпланган, 2018 йилдан эса 386 тага кенгайтирилди. Унда нафақат нон, ун, ёғ, гўшт, ком-

мунал хизматлар сингари ижтимоий аҳамиятга молик товарлар ёки хизматлар, балки автомобил, бензин, заргарлик буюмлари, кишлоқ хўжалиги ускуналари каби фойдаланишда мажбурий бўлмаган маҳсулотлар ҳам қамраб олинган.

Индекслар ҳисоби уй-хўжаликларининг истеъмол харажатлари таркиби ва ўртача ҳисобланган солиштирма нархлар ўзгаришларини ҳисобга олган ҳолда модификацияланган Ласпейрес формуласи орқали ҳисобланади. Ҳисоб-китобларнинг даврийлиги эса ойликдир.

Истеъмол нархлари индексини ҳисоблашда нарх-наво омилларидан ташқари (яъни товар ва хизматлар нархларининг ҳақиқий нарх ўзгариши) аниқ турдаги то-

вар ва хизматларнинг салмоқ вазнлари таъсири ҳам инобатга олинади. Шу йўл билан статистика ҳодимлари истеъмол нархлари индексини аниқлаб, республиканинг барча ҳудудидаги турли товар ва хизматлардаги нарх ўзгаришларининг ўртачасини ҳисоблайдилар.

Буни оддий мисол шаклида кўриб чиксак. Масалан, мол гўшти (суяклиси)-нинг ўртача нархи ўтган давр мобайнида 22,9 фоиз қимматлашди. Унинг истеъмол тўпلامлигида салмоғи 5,07 фоизни ташкил этади. Салмоқ вазн ҳисобида бу ўсиш умумий инфляция даражасига (5,07*22,9=1,2) 1,2 фоиз таъсир этган. Бу гўшт нархининг ошиши умумий инфляция даражасининг 1,2 фоиз ўсишига сабаб бўлди, деганидир.

Инфляция даражасига нафақат нархларнинг ошиши, балки нархларнинг тушиши ҳам таъсир кўрсатади. Товар ёки хизматлар нархлари арзонлашишда эса кўрсаткич таъсири “салбий” аҳамият касб этади. Лекин аҳоли томонидан ҳеч қандай “салбий омил” деб қаралмайди, бироқ инфляция даражасининг тушишига олиб келади.

Аксарият ҳолларда бу мева ва сабзавот гуруҳида кузатилиб, мавсумий нарх ўзгаришлари умумий истеъмол нархлари индексини пасайишига сабаб бўлади. Мисол учун, йил бошидан мева ва сабзавот мавсумий нархлари ўзгариши умумий инфляциянинг 1,4 фоиз пасайишига сабаб бўлди.

Кўриниб турибдики, инфляция даражасига, яъни истеъмол нархлари

индексининг умумий кўрсаткичига барча товар ва хизматлар нархларининг ўсиши ҳам, тушиши ҳам бевосита таъсир этади.

Статистика органлари инфляцион жараёнларни имкон қадар объектив кўрсатиб бериш максасида ҳисоб-китоблар тизимини такомиллаштириш борасида доимий равишда изланиш олиб борадилар. Давлат статистика қўмитаси томонидан истеъмол нархлари ва истеъмол нархлари индексини ҳисоб-китобларини мониторинг қилиш учун янгиланган методология ишлаб чиқилгани бунинг ёрқин далилидир. Бу эса намуна олиш механизмини такомиллаштириш

Шу билан бирга, ўтган даврда сабзавот нархлари ўртача 23,2 фоиз, картошканинг эса 44,2 фоиз арзонлашгани ушбу гуруҳда нархларнинг пасайишига олиб келди.

Мамлакатнинг ҳар қандай аҳолиси учун инфляция деярли ҳар доим салбий омил ҳисобланади. Бироқ ҳамма нарас, биринчи қараишда кўринганидек, у қадар ёмон эмас. Инфляция даражаси кескин пасайишининг ҳам ўзига хос камчиликлари бўлади. Инфляциянинг ўта пастлиги унинг жуда юқори суръатларда бўлганидек мамлакат иқтисодиёти учун хавфли саналади. Бу нимада акс этади?

Долзарб мавзу

Бундан ташқари, жорий йилдан эътиборан, мева-сабзавот маҳсулотлари нархлари ўзгаришини ўзгармас салмоқ вазнлар асосида ҳисоблаш бўйича истеъмол нархлари индексини услубий низоми дунёнинг етакчи мамлакатлари методикаси билан ўйғунлаштирилди. Ўз навбатида, нархлар бўйича кузатув олиб бориладиган шахар ва туманлар сони 100 тадан 120 тагача кенгайтирилди. Кузатувдаги ҳудудларнинг товар айланмаси республика умумий товар айланмасининг 83 фоизи, аҳоли умумий сонининг эса 73 фоизини қамраб олган.

Тўққиз ойлик ҳулосалар

Жорий йилнинг 9 ойида республикада инфляция даражаси 8,1 фоизни ташкил этди. 2017 йилнинг охирига нисбатан товарлар нархи ўртача 7,4 фоиз, хизматлар 10,1 фоиз қимматлашди.

Ўтган давр давомида умумий истеъмол нархлари индексига таъсири шуни кўрсатмоқдаки, озиқ-овқат маҳсулотларининг нархлари ўсиши умумий инфляцияга 2,6 фоиз даражасида таъсир қилган бўлса, бу вақтда ноозиқ-овқат маҳсулотлари ва хизматлар улushi 5,5 фоиз даражасини ташкил этган. Асосий бўлган гуруҳларда ёрма ва дуқакли маҳсулотлар нархларининг ўртача 28 фоиз, нон маҳсулотларининг 21 фоиз, гўшт, парранда ва балиқ маҳсулотлари 17,1 фоиз, қурилиш моллари 18,4 фоиз, автомобиллар учун ёнлиги ва уй-жой коммунал хизматлари 13,8 фоиз қимматлашди.

Шу билан бирга, ўтган даврда сабзавот нархлари ўртача 23,2 фоиз, картошканинг эса 44,2 фоиз арзонлашгани ушбу гуруҳда нархларнинг пасайишига олиб келди.

Мамлакатнинг ҳар қандай аҳолиси учун инфляция деярли ҳар доим салбий омил ҳисобланади. Бироқ ҳамма нарас, биринчи қараишда кўринганидек, у қадар ёмон эмас. Инфляция даражаси кескин пасайишининг ҳам ўзига хос камчиликлари бўлади. Инфляциянинг ўта пастлиги унинг жуда юқори суръатларда бўлганидек мамлакат иқтисодиёти учун хавфли саналади. Бу нимада акс этади?

Агар нарх кўтарилмаса, аҳолининг товарларга талаби пасайиб, камроқ сотиб оладилар. Чўнки нархлар бир хил даражада қолиши оқибатида пулни сарфлашдан кўра жағариш янада фойдалидек туюлади. Бундан ташқари, нархларнинг кескин пасайишида қўллаб ташкилотлар кийинчиликларга дуч келадилар, ваҳолонки, “инфляцияни озиклаиш”га ўрганиб қолган ташкилотларнинг иқтисодий модели ўз самарадорлигини йўқотиб боради. Шунинг учун ҳам ўта паст суръатдаги инфляция иқтисодиётини “советви” мумкинлиги билан ҳавфлидир. Инфляциянинг ўта юқори суръатларда па-

сайиши, айниқса, банданд фоизларда узоқ муддатларга кредит олган ташкилотларни жиддий қийинчиликларга солиб қўяди. Уларнинг маҳсулотларига бўлган талаб ва нархлар ошмаса, оқибатда кредитни қорлаш масаласи кундан-кунга қийинлашиб бориши мумкин.

Бундай вазиятда нархларнинг ўсиши нафақат икки талабларни оширади, балки инвестицияларни рағбатлантиради, ишлаб чиқариш салохиятини оширади, ишсизлик даражасини пасайтиради. Шунинг учун айрим мамлакатларда иқтисодиётни рағбатлантириш учун инфляция даражасининг бир оз тезлашишига имконият яратиб берилди.

Шу билан бирга, жуда тез ва энг асосийси, олинндан айтиб бўлмайдиган нархларнинг ўсиши, ижтимоий-иқтисодий барқарорлиқнинг бузилиши барчамизга маълум бўлган салбий натижаларга олиб келиши мумкин.

Нарх яна ошадими?

Юқорида айтилганидек, инфляция даражаси қўллаб омиллаларга, жумладан, товар ва хизматларнинг асосий турлари бўйича нархларнинг ўсишига боғлиқ. Масалалар шу жиҳатдан ёндашсак, жорий йил охирига қадар асосий турдаги товар ва хизматлардан баъзилари (электр, газ учун тарифларнинг ошиши ҳақида хабардор этилди) нархи ошиши маълум қилинди. Бошқалари эса (коммунал тўловлар, шаҳар йўловчи ташити транспорт, бензин кабилар) нархлари тартибга солишининг тегишли органларига боғлиқ бўлади. Бундан ташқари, алоҳида компанияларнинг нарх-наво сиёсати (бу, биринчи навбатда, мобил алоқа ҳамда интернет, ваё ва темир йўл транспорти хизматлари), шунингдек, товарлар импорт қилинадиган мамлакатларнинг нархлари ҳолати таъсир қилса, айримлари бозорда сотувчиларнинг оддий одобиға ҳам боғлиқ эканлигини эътибордан қочирмаслик зарур.

Айтиш жоизки, инфляция жараёнларига миллий валюта курсининг динамикаси, ўтказилаётган пул-кредит сиёсати ҳам таъсир қилади. Шунга мувофиқ, нархларнинг юқори ўсишига ёки ўсиш суръатларининг пасайишига олиб келади. Бунга аҳоли ва корхоналарнинг келгуси нарх ўсиши бўйича инфляцион тахминлари сезиларли даражада таъсир қилиши ҳам мумкин.

Хулоса ўрнида айтганда, инфляция кўп қиррали ҳодисадир. Уни прогноз қилиш жуда қийин. Лекин статистика “иқтисодиётнинг кўзгуси” сифатида мавжуд натижаларни объектив равишда акс эттириши керак. Бу эса барча учун бирдек фойдали бўлади. Хусусан, инфляция ҳисоб-китобларининг сирли пардасини бир қадар очиб беради.

Баҳодир ҒОЙИБНАЗАРОВ,
Кадрларни қайта тайёёрлаш ва статистика тадқиқотлари маркази директори, и.ф.д. профессор,
Мухтор УМАРОВ,
Давлат статистика қўмитаси бошқарма бошлиғи.



НИМА УЧУН РОССИЯЛИК САЙЁХЛАРНИНГ АКСАРИЯТИ ЯНГИ ЙИЛНИ ЎЗБЕКИСТОНДА КУТИБ ОЛМОҚЧИ?

Хали куз охирламасданоқ, одамлар ўзаро суҳбатларда Янги йилни қандай кутиб олиш, нишонлаш ҳақида фикр юрита бошлашади. Доим шундай бўлган. Каттаю кичик бу айёмни ҳамиша интиқ бўлиб кутган. Эътиборлиси, мазкур байрамни ўз уйида эмас, айнан Ўзбекистонда кутиб олишни истаётган хорижликлар сони ҳам тобора кўпайиб бормоқда.

Яқинда энг йирик “Tutu.ru” сайёҳлик сервис томонидан эълон қилинган маълумотга кўра, россияликлар ўртасида айнан Ўзбекистон Янги йилни нишонлаш учун энг оммабоп ва машҳур мамлакат, деб топилди. Ваҳолонки, ўтган йили диёримиз ўшбу рейтингда еттинчи погонани эгаллаган бўлса, Германия, Чехия ва Молдова етакчилар қаторидан жой олганди. Бу сафар юртимиз олти ўрин юқорилаб, немислар, чехлар ва молдованлар ўлкаларини ортда қолдирди.

Бинобарин, Россияда Европога Янги йил авиачипталари сотилиши 20 фоз пасайган бўлса, Ўзбекистон йўналиши бўйича бу кўрсаткич 2017 йилдагига нисбатан

2 баробар кўпайган.

Экспертларнинг айтишича, рус туристларининг асосий қисми диёримизга унинг меҳмондўстлиги, миллий таомларидан баҳраманд бўлиш ва Чимён тоғида чангида учнишга катта қизиқиш билдирмоқда.

“Байрам саналарига сотилган чипталар бўйича энг тотли палов мамлакатаи ҳатто Европанинг машҳур шаҳарлари, масалан, Берлин ва Прагадан ҳам ўзиб кетди”, — деб

1-сценарий: тотли

Нима учун оливе ёки шуба остидаги селёдкини палов ёки қулчаларга алмаштириш мумкин эмас? Боз устига, аънавий ўштли таом — нориннинг ҳам мазасини татиб кўриш керак. Ўзбек оилалари уни Янги йилда тайёрлашни ёқтиришади. Байрам кечаси чойхонага бориш ёки хушномала ва самимий ўзбеклар билан байғизли дастурхон устида бирга ўтиришга нима етсин?!

Бироқ диетологлар маслаҳатини эслаб қолинг: меъёрни сақланг ва барча хуштаъм таомларни бирданига тановул қилишга уринманг.



2-сценарий: тоғли

Ўзбекистонга хуштаъм неъматлар, кўҳна меҳмоннавозлик ва гўзал табиатдан баҳра олиш учун боришади. Яна Чимён тоғларида чангида ёки сноубордда учиб, маза қилиш мумкин. Шунингдек, қишки спорт турлари билан Билдирсой ва Янгиободда ҳам шуғулланса бўлади. Чимён трассалари жуда оддий, у қишки спорт турларида ҳали янги бўлган одамлар ва спортчилар ўз техникаларини такомиллаштиришлари учун мос келади. Бироқ Билдирсойдаги тепаликлардан тушиш ҳатто таъриблик чангчилар учун ҳам осон эмас. Тоғ чанғиси трассаларида кўп йиллик стажга эга профессионал йўриқчилар фаолият олиб боради.

3-сценарий: мусикали

Нима учун Янги йилни Тошкентда ўрнатиладиган уй-қан арча олдида кутиб олиш мумкин эмас? Байрам кайфиятини биз учун таниш бўлган қиш совуғи ҳам буза олмайди.

Умуман олганда, байрам арафасида арча атрофида хуш-чақчақ муҳит пайдо бўлади: Ўзбек эстрадаси юлдузлари кўшиқ қуйлайди, таникли ансамбллар рақсга тушади, болаларга эса кўчаларда эртак қаҳрамонлари ширинликлар улашади.

“Соҳа мутахассисларининг айтишича, ҳозирги кунда Ўзбекистон учун энг муҳими, Янги йилда дам олиш йўналишидаги етакчилигини мустаҳкамлаб олиш учун сайёҳларнинг ишончини оқлашдир. Бунга шубҳа қилмас ҳам бўлади, зеро, Ўзбекистон меҳмонларни қандай қабул қилишни жуда яхши билади”, — дея фикрини аёнлайди россиялик журналист.

Таникли саяҳатчи блогер Наталья Черкес айтганидек, Ўзбекистондаги муҳит сайёҳларга миллий урф-одатлар билан максимал уйғунлашиб кетиш, мамлакат нафасини ҳис этиш ва ундан завқ олиш имконини беради.

С. МАХСУМОВ тайёрлади.



O'ZMILLIYBANK

Таъкидлаш керакки, хусусий секторнинг жадал суръатларда равнақ топишида давлатимиз томонидан уларга барча шарт-шароит яратилиб, ташаббуслари молиявий жиҳатдан қўллаб-қувватланаётгани муҳим аҳамият қасб этмоқда. Мазкур жараёнда “Ўзмилийбанк” Самарқанд вилояти бўлими жамоасининг ҳам алоҳида ҳиссаси бор. Молия муассасаси иқтисодиёт корхоналари, қишлоқ хўжалиги, оилавий бизнес ҳамда хусусий тадбиркорлик каби етакчи тармоқларни ривожлантириш, янги иш ўринлари яратиш билан боғлиқ лойиҳалар ижросини таъминлашда яқин кўмакчига айланган.

Жумладан, Самарқанд вилоятини ижтимоий-иқтисодий ривожлантириш дастурига асосан, 2018 йил давомида умумий қиймати 1 млрд. 663 млн. сўм бўлган 78 та лойиҳа учун 931,8 млн. сўм банк кредити ажратилиши кўзда тутилган. Жорий йилнинг биринчи ярим йиллигида айни шу мақсадларда 739,7 млн. сўмлик кредит маблағлари йўналтирилди. Ушбу лойиҳалар амалга оширилиши натижасида шаҳар ва туманларда 5 мингдан ортиқ иш ўринлари яратилаётгани кўвончларидир.

Молиялаштирилган лойиҳаларни тармоқлар бўйича таҳлил қилсак, масалан, саноат соҳасидаги 21 лойиҳага 652,8 млн. сўм, қишлоқ хўжалиги бўйича 8 та лойиҳага 63,4 млн. сўм, хизмат кўрсатиш соҳасидаги 7 та лойиҳага 23,4 млн. сўм ажратилди. Буларнинг барчаси юрт ободлиги, ҳалқ фаровонлиги йўлидаги эзгу саъй-ҳаракатлардир.

Банк бўлими жамоаси, айниқса, кичик бизнес вакиллариининг истиқболли лойиҳаларини молиялаштиришга устувор аҳамият қаратапти. Чунончи жорий йил биринчи чораги давомида жисмоний шахслардан 298 нафарига 3625,5 млн. сўм миқдориди имтиёзли кредит тақдим қилинди. Бу жараёнда кам таъминланган оилаларни ҳар томонлама қўллаб-қувватлашга ҳам катта эътибор берилаетир. Ҳозиргача ана шундай оилалардан 90 таси 962,9 млн.

ҚАНЧА КЎП ИШ ЎРНИ ЯРАТИЛСА, ОДАМЛАР ШУНЧАЛИК РОЗИ БЎЛАДИ

“Ўзмилийбанк” Самарқанд вилояти бўлими жамоаси фаолиятини ана шу мезон асосида олиб бормоқда.

Молия муассасаларида

Айни пайтда мамлакатимизнинг барча ҳудудида улкан янгиланишлар, бунёдкорлик ишлари давом этяпти. Булар, аввало, Ватанимизда ҳукм сурётган тинчлик ва осойишталик туфайлидир. Иқтисодий тараққиётимизнинг ҳал қилувчи кучи — кичик бизнес ҳамда хусусий тадбиркорлик соҳасида эришилаётган натижалар эса алоҳида эътирофга лойиқ. Зеро, саноатни ривожлантириш, ички бозорни сифатли маҳсулот ва хизматлар билан тўлдириш, аҳоли бандлигини таъминлашда уларнинг ўрни ниҳоятда катта.



сўм миқдориди имтиёзли кредит олишга эришди.

Президентимиз жойларда амалга оширилаётган бунёдкорлик ишлари, олиб борилаётган ислохотлар жараёни, йирик лойиҳалар билан танишиш ва халқ билан мулоқот қилиш мақсадида шу йил март ойида Самарқанд вилоятига ташрифи чоғида “Қанча кўп иш ўрни яратсак, аҳоли биздан шунчалик кўп рози бўлади, турмуш фаровонлиги яхшиланади” дея алоҳида таъкидлаган эди. Қолаверса, “Ўзмилийбанк” зиммасига барча манбалар ҳисобидан янги иш ўринлари яратиш бўйича топириқ берилганди. Шунинг асосида 2018 йилнинг биринчи ярим йиллигида 1 411 иш ўрни очилганини таъкидлаш ўринлидир.

Вилоят иқтисодиётининг реал сектори молиявий қўллаб-қувватлаш мақсадида банк томонидан 168 та хўжалик юритувчи субъектга моддий-техника базасини мустаҳкамлаш, технологик қайта жиҳозлаш ҳамда ишлаб чиқариш ҳажмларини кенгайтириш мақсадлари учун 48843,2 млн. сўм миқдориди кредит маблағлари ажратилди.

Ҳозир ҳудудда енгил саноат соҳасини ривожлантириш мақсадида банк кредитлари ҳисобига бир қатор

йирик лойиҳаларни амалга ошириш режалаштирилган. Чунончи, Иштихон туманида “Afrosiob Jeans textile” МЧЖ корхонасининг умумий қиймати 28,8 млн. АҚШ доллари бўлган лойиҳасига 22,1 млн. АҚШ долларилик кредит маблағи берилди. Ушбу лойиҳанинг ишга туширилиши билан 800 та иш ўрни яратилади.

Оқдарё туманида эса “Zarafshon tekstil” МЧЖ корхонасининг умумий қиймати 6,8 млн. АҚШ доллари бўлган лойиҳасига 5,2 млн. долларлик кредит маблағи йўналтирилди ва лойиҳа ишга тушиши натижасида 780 та иш ўрни пайдо бўлади.

Банк томонидан ушбу ишларнинг узвий давоми сифатида жорий йилда вилоятнинг Нарпай туманида кластер усулида пахта хом ашёсини етиштириш бўйича “Maroqand Sifat” МЧЖ корхонасига, 215 та фермер хўжалигига бўнак тўловлари учун 37,4 млрд. сўм имтиёзли кредит аж-

ратилиши кўзда тутилган. Лойиҳани ҳаётга татбиқ этиш ҳисобига 2018 йилда 19,5 минг тонна пахта хом ашёси қайта ишланиб, тайёр маҳсулот ҳолига келтирилди. Ҳозирги кунга қадар банк томонидан 28,4 млрд. сўм миқдориди кредит маблағлари ажратилган юқоридаги саъй-ҳаракатларнинг натижасида давоми бўлди.

Давлатимиз раҳбарининг 2017 йил 7 августдаги қарори-га асосан, “Ургут” эркин иқтисодий зонаси (ЭИЗ) ташкил этилган. “Ўзмилийбанк” Самарқанд бўлими томонидан ўтган бир йил мобайнида “Ургут” ЭИЗ дирекцияси билан биргаликда 2017 — 2019 йиллар учун умумий қиймати 196,4 млн. АҚШ доллари тенг, шундан, 12,2 млн. АҚШ доллари хорижий инвестиция, 116,9 млн. АҚШ доллари банк кредит маблағлари ҳисобидан 60 та лойиҳани амалга оширишни режалаштирмоқда. Бунинг натижасида 4274 та иш ўрни яратилиши кўзда тутилган. Мазкур лойиҳаларнинг ишга туширилиши ҳисобига йилга 624 млрд. сўмлик маҳсулотлар тайёрланиши, шундан 51 млн. АҚШ доллари миқдориди маҳсулотлар экспортга йўналтирилиши кўзда тутилган.

“Samarqand bax tekstil” масъулияти чекланган жамияти ҳам “Ўзмилийбанк”нинг Самарқанд бўлиmidан ҳисоб рақами очган. Корхонада баҳмал матоси ишлаб чиқарилади. Ушбу лойиҳа қиймати 3011 минг АҚШ долларида иборат бўлиб, шундан 695 минг АҚШ доллари жамиятнинг ўз маблағлари ҳисобидан, қолган 2316 минг АҚШ доллари “Ўзмилийбанк” Самарқанд бўлими кредити ҳисобидан қопланади.

Даставвал асбоб-ускуналар Хитойдан олиб келинди. Шу тарика корхона жорий йилнинг 1 мартдан фаолият бошлади. Пировардида 30 та иш ўрни яратилди.

Ушбу лойиҳа бир йилда 1080 погон метр ёки 18 млрд. сўмлик баҳмал матоси тайёрлаш қувватига эга. Хом ашё ички бозордан олинади. Корхонада айни пайтда маҳсулот ишлаб чиқариш бир маромда давом этмоқда. Яқин вақтлар ичида бу ердаги маҳсулотларнинг бир қисmini экспортга йўналтириш режалаштирилган.

Банк матбуот хизмати.

Термизда «ақлли» бекатлар 8 тага етди

Тезкор маълумот тўплаш имкониятининг борлиги йўналишдаги транспорт ҳаракатини режалаштиришда кўп келади. Айни чоғда нафақат бекат, балки унинг атрофидаги жамоат тартиби юзасидан тезкор маълумот олиш имконияти ҳам яратилган.

Яна бир эътиборли жиҳати шундаки, ҳар бир бекатга қуёш батареяси панели ўрнатилган бўлиб, бу уларнинг ёриткичлари ва USB электр тармоғи нукталарини автоном электр қуввати билан таъминлаш имконини беради.

Яқин келажада вилоят марказида бундай «ақлли» бекатлар сони 40 тадан ошиши кутилмоқда.

Илҳом РАҲМАТОВ,
«Халқ сўзи» мухбири.



Инновация

Бу ерда инновацион бекатнинг галдагиси ишга туширилиб, улар сони 8 тага етказилди. «Ақлли» де-ганизмиз бежиз эмас. Уларда кондиционер, жамоат транспорт тартибига жадвалининг таблоси, «Фуқаро-тезкор ёрдам хизмати» фавкулда алоқа-ахборот панели, атроф-муҳит мониторинги сенсори, Beput Wi-Fi интернет тармоғи, видео назорати, USB электр тармоғи нукталари, банк тўлов терминали мавжуд.

ЭЪЛОНЛАР

«Халқ сўзи»га

ЭЪЛОНЛАР
КАБУЛ ҚИЛИНАДИ.

9.00 дан 18.00 гача
71-232-10-63,
71-232-11-15.

E-mail: reklamax@mail.ru
reklama@xs.uz

«Respublika mulk markazi» МЧЖ

бошланғич баҳоси босқичма-босқич ошиб бориш тартибиди
ўтказиладиган очиқ аукцион савдоларига тахлиф етати.

Аукцион савдосига «Ўзсаноатқурилишбанк» АТБ Ал-Хоразмий филиалига тегишли, Тошкент шаҳри, Учтепа тумани, Чилонзор даҳаси-30, 16-«А» уйда сақланаётган, 2013 йилда ишлаб чиқарилган, давлат рақами 01/682 JFA бўлган, «Нексия» русумли автотранспорт воситаси такроран қўйилмоқда.

• **Бошланғич баҳоси — 47 629 000 сўм.**

Аукцион савдоси 2018 йил 15 ноябрь кунни соат 15.00 дан бошлаб ўтказилади. Аризалар иш кунлари соат 10.00 дан 16.00 гача қабул қилинади (соат 13.00 дан 14.00 гача тушлик вақти). Аризаларни қабул қилишнинг охириги мuddати — 2018 йил 13 ноябрь кунни соат 18.00.

Юқоридаги автотранспорт воситаси 2018 йил 15 ноябрь кунни сотилмай қолган тақдирда такрорий савдолар 2018 йил 22, 29 ноябрь, 2018 йил 6 декабрь кунлари соат 15.00 да бўлиб ўтади. Такрорий савдолар учун аризаларни қабул қилишнинг охириги мuddати — 2018 йил 22 ноябрдаги савдо учун 20 ноябрь, 29 ноябрдаги савдо учун 27 ноябрь, 6 декабрдаги савдо учун 4 декабрь кунлари соат 18.00 гача.

Савдо қолибига 10 кун ичида сотувчи билан нотариал тартибда олди-сотди шартномаси тузиш мажбурияти юклатилади. Савдода шунтироқ этиш учун ариза, закатат пули тўланганлиги ҳақидаги тўлов ҳужжати нухсаси, вакиллар учун ишончнома тақдим этилади.

Талабгорлар савдо ташкилотчиси билан тузиладиган закатат келишувига асосан, мулк бошланғич баҳосининг 10 фоизидан кам бўлмаган миқдордаги закатат пулини «RMM» МЧЖнинг «Давр банк» ХАТБ Олмозор филиалидаги қуйидаги ҳисоб рақамига тўлашлари шарт: 22604000200571452001, МФО: 01121, СТИР: 200933850.

Гувоҳнома № 001805.

Аризаларни қабул қилиш ва савдо ўтказиш манзили:
Тошкент шаҳри, Олмозор тумани, 1-Қорақамиш кўчаси, 1-«А» уй. Телефон: 71-228-79-52.

Халқ сўзи

Народное слово

МУАССИСЛАР:

Ўзбекистон Республикаси Олий Мажлиси
Қонунчилик палатаси Кенгаши, Ўзбекистон Республикаси
Олий Мажлиси Сенати Кенгаши ва
Ўзбекистон Республикаси Вазирлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 1145. 71 122 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Газетамиз ҳақидаги маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона 71-233-52-55;
Котибхона 71-233-10-28; Ўзлонлар 71-232-11-15.



“Шарқ” нашриёт-матбаа акциядорлик компанияси босмахонаси. Корхона манзили:
“Буюк Турон” кўчаси, 41. ЎзА якуни — 23.10 Тошпирилди — 23.50 1 2 3 4 5 6